



祝氏集畧卷第三

祝氏集畧卷第三

樂府

樂府

從軍行

腰刀把首報君恩
初事將軍出雁門
回首家鄉無限
意秋風吹上五陵原

前緩聲歌

瑤川遵穆晏汾水從軒游
玄王啓靈會道官亦交酬
蒼禽咲金支瓊鸞翥絳幃
靈賓戛韻石子登引空謳
聖日麗萬舞祥吹振清球
川后迎皓蜺波臣趨翠虬
湘姬偶瑤席巫女行玉羞
天老獻秘文聖年無時秋

董嬌嬈

京洛何迢迢紫衢通麗譙采桑誰氏子不解意飄搖
強腕折高枝卑指攬柔條詎知枯殘日不愛彼穠朝
何當華堂上麗瑟歌此謠此謠固君情不移芳與彫
吾將持贈子聞是董嬌嬈

盧姬曲

盧姬貌似月復有伎如雲青絲覆鸞額歌舞漢宮春
參差銅臺上宛轉受恩頻君不見太祖會殺聲清人
復留妙妓西陵裏盧姬幸不爲冤鬼爲名嫁人花老
矣人生行迹自有時莫以遲速歎盧姬

邯鄲才人嫁爲廝養卒婦

高下理有定金房湏玉骨不解理有異漢月亦胡沒
昔爲錦綺叢今爲蕉萃窟嬌卧鄰皂芻夜半聞馬齧
遙夢趙王宮盈盈望秋月

隴頭樹

隴頭多嘉樹君持作梁柱清晨覆賓相白日抱歌舞
哀哉北邙麓日日聽人哭

驄馬驅

驄馬紫游韁光輝照洛陽朝辭上林苑晚入鬪鷄坊
無因道千里城邑少豺狼

關山月

明月度關山中天照胡漢十萬良家子嫖姚甲待旦
胡兒秋牧馬天子曉射雁亦有王明君獨抱穹廬歎

雉子班

雉子班何壯不顧女來語啄班班吾不如絞頸谷中
班班何班班何

天馬來

天馬萬里來天開缺一字開天馬入群馬辟立視天馬
長安亦有苜蓿食飽天子德天馬天馬在宛野

隴頭水

流水出隴頭白石亂高樹四海遠深淵原泉日夜注
不見人物景獨向東流去

吳趨

閶闔紅樓起臯橋淶水迴綺羅搖日麗車馬逐雲來
施旦非吳艷機雲是晉才欲歌遺古調風俗轉堪哀

柳枝六首

夾汴春來千萬枝綠陰隨處縛金羈殷勤休負東風
意曾把青芽細細吹

紫泉宮外曉煙和萬綠條含太液波只有帝家春色
好爭禁人世別離多

樹猶如此我何堪長笑殷郎氣不男若見女兒腰十
五一生蹤跡只江潭

隋家蕭后解傷春內苑親栽幾樹新入虜歸唐春漸
老美人思樹樹思人

白家只說舞腰肢不把紅妝鬪翠眉贏得美人憐又
妬一時都不愛花枝

營門只阻羽葆幢爭似連雲蔭漕艘護國清風四千
里百年人說老平江

林鳥二首

無奈恩情密臨別自依依思君如林鳥同宿不同飛

與君如林鳥暫聚還長離得夜乃共宿入明不同飛

古調

泰風

泰風傲時也歲律默遷夕飈傲物起坐多念歌以永
言

灑商回秋泰風薄宵衝堂襲帷其音蕭蕭 蜩咽鳥

棲蟋蟀試吟豈無憂欣以耿遐襟 肖形聲氣亦有

裳衣無作我羞朝日將暉 昔之撫景鮮驩薄游今

之撫辰力弗及脩 五十無聞先師無畏無曰其遲

其日如駛 皇序邁代漫漫百年天之將旦無然爰

爰

詩 五首

巍巍大山高瀰瀰長河流人生百歲間有樂亦有憂
葱蔥陵上槿朝華夕已休倣載向南畝歲乃亦有秋
少壯在努力老大且偃息偃息安此生此生須有成
努力不在少老死終無名

滔滔川上水羃羃隄邊草行行遠方客歷歷山下道
道遠行易疲白日坐已馳無憂白日暮祇恐嚴霜垂
日暮行復朝嚴霜草以彫

中谷有道士顏色常鮮好被以松栢葉啖以靈藥草
守氣存谷神後天可難老授我鴻素書相期青雲表
衆人不盡聞安能不枯槁神農遺世經穀食烝民寶
物生天地中萬形同一鈞小大各自齊聚散常相因
高岸忽爲谷滄海亦飛塵弱質非金石誰能獨久存
生世六七十永者僅百年相去幾何許等死焉足論
仙人莊子休爲君頗開陳

天天南國子聲伎妙入神審音類子野歌舞傾都闈
城邑不足留引領奉韶鈞浮雲翳廣路且與閭里親
倡家日還往哇淫累其真簡兮前上處謂言不足珍
樂府久隔絕繫籍猶相因嘯訶且自樂亦以共嘉賓

雜詩

鳳凰執聖符有道乃來儀白鶴抱仙姿俗士每羨之
棲啄非梧竹腥穢苟羈縻鳶戾與鷹摯性在哺雛雌
翩翩遵渚雁噉噉鳴聲悲青冥一舉翼萬里乃通岐
潔食荻中粟渴飲清川湄孤翔無亂偶高風羞詭隨

述行言情詩 五十首

其一

昔受皇靈命結此軒竒姿一從辭劍璞雅負遂參差
英光沒騰越皓素變爲緇茲辰起遙想椎鑿倘還施
但恐時日促璋琥竟無期乃知萬物貴治琢當及時

其二

大鈞鼓群有黃祗効成物流形隨風氣結性亦殊律
吾生托燕冀抱稟愧沉鬱返茲寬柔方茹和克疆僞
所耻非平康徒勝此迴屈

其三

結髮屬偶句舞勺肆篇章前徵昭羊叔髦譽追滕王
明明內外祖公望張辟疆提劍多教術童弱企高翔
安知三紀後栖栖守榆枋

其四

蒼姬建鴻曆祝丘肇遙封豐稊託后穰䟽條鬯周通

九江樹崇議司徒奮皇庸信枯爛材器闔建扇遐風
淵淵都漕君起官來南江雄畧絕類群宏圖奠茲邦
五子祭馬竇載以闢吾宗

其五

曾祖抱至德天倪以和神善閉本無捷泯耀沒見聞
辟時遁朱鬢傾否逢皇運微情委塞聰遵養晦衡門
洪源浚且渚大川乃雄犇

其六

赫赫惟王父自天擁英休完德奠瑚璉大積苞墳丘
敷言對清問獻納襄王猷宅憂秉大防景泰初公居憂詔奪情起

任戎務公執禮典不應

旬宣向閩州冀方猶虞岳懋緯騰諸侯
懸車耳順歲高烈方弼彪

其七

公有高明居安老亦畜小時從息經笥偃仰思至道
繁英藹修榮高簡稅不藻周羅千載語竹素光燿燿
憶跪聽公詔拜此濟生寶縣非躡短階昏日恣尋討

其八

先人備百行為仁乃其甚至誠動萬物大孝敷弘規
慈愛無等倫日月洞肝脾豈惟天止性在三道兼師
母氏既聖善孝敬極壺彛坤儀絕振古直當任姒期

煦乳幃載間春秋望翔馳

其九

七世美仁里八葉通德門五教植本始百行郁華文
仁義日可見金玉作庸言鷄鳴繩準出舉足宮徵存
厚趾靡顛丘長津從冽原何為未受者卑垢辱華先

其十

高閔衆祥集泰日百美具豐屋陵飛霄崇樓臨大路
高齋敞華器芳臯羅嘉樹良疇經邇郭麗舫汎妍淑
紳杖旦日臨星曜時夕聚群公覽威儀百彥盡能賦
圖書恣讎核琴瑟鏗在御崇議每徵今幽求競稽古

卮言藹蘭馥雄辯激水怒觴詠富章什絃吹暢情素
西園繼清夜何愁白日暮

其十一

泰否冥幹運小大互來徃童齡何讐戾忽使墮毒枉
焉知循陔慶遘成陟屺望萬生皆有終逆質胡不喪

其十二

大憂纏弱衷意氣盡荒漠向未邀長衢中路履綦錯
零霰殺翹榮朱光就淒薄辰邁萃華滋運消易零落

其十三

人理有太合太合及茲辰東楚當星戶

建辰之月虹梁就

鳥津彼其行結恍予亦御周輪從雲來粲者粲醴合
良人永始承遙緒昌圖啓後珍嘒嘒山河誓與子並
千春

其十四

執業稟公訓士節謹干祿力脩貴潛蘊進達戒征逐
踰冠聞有司察業就甄錄校考既充賦膠序且餼育

其十五

人生有窮慘大化當極否偏感適三月凶割降重累
鉅痛深故創沈寃等墮海人生覆無天云胡不遄死

其十六

六極兼弱貧百罹萃凶孤素薄綜物懷坐爲鄙人圖
倉箱既涼匱米鹽務錙銖自持倚桐姿埋沈向泥塗

其十七

讀禮訖祥禫試琴成笙歌丘墳肆畋狩志行窮琢磨
天人貫羸微昔今紛網羅大道彌宇宙眇薄將如何

其十八

先人有高棲遺我端居室幸無喪志物塞楹簡編集
皇王植丕訓子氏張萬術閉關斷來鞅庶以究昕夕

其十九

學聚勤殖藏息游解紆結寬原或流衍激泉共甘冽

攀條采碩果循畦屏衰葉幽禽答遐韻候蟲依氣節
芳靄蒙晨榮明輝揚夕月拔時附絕駕塞允謝塵轍
其二十

服膺從聖軌厲志尊前聞敦厚覓砥道高明抗浮雲
玄元極三古䟽通窮八垠焉能爲栖栖揜抑斥鷃群

其二十一

老聃貴知希莊周識齊物山淵故應平精象藏恍惚
因知在矢溺居然返冥極安知臨牢豕終爲祝宗繫
其二十二

昔在欬膝下拊頂稱佳兒珠鳳已驗文棊虎亦彰竒

所企自有立名位豈足期自從勝簪弁顛躋逢百罹
握志壯室餘薦名僅鄉司逸足遠市肆永媿英賢規
其二十三

浮名雖或就夙尚乃彌堅濬雕有風期恒虞終邈然
英游並彙征予猶畏爭騫茲辰更不伸蚘蝮盤黃泉
因知隨時義聖謨固昭然

其二十四

戔戔抱微稟自擬猶萍蓬企瞻先哲民終羞絕蘿松
追隨不越群胡足爲不同何爲蕩蕩世亦復此不容
無悶見君子先師嘗發矇平平王道間萬厲頓交攻

荀無反躬術何以禦諸兇皇仁卒全物莫高匪玄穹
其二十五

斯人各有尚沉潜與高明伊予獨坦蕩未解懷戚營
既不畢狂狷安得遂中行所睹恒廓如萬有通一平
泰嵩輜如毛瞳眴已千齡不知要其終得喪將焉徵
其二十六

同人貴郊野氣度本惡狹出入州閭間清濁且參夾
無衰桑梓敬幸共枌榆洽鳥獸不可群非人其誰狎
其二十七

大儀靡停運百生豈淹息麗天星漢度附地蟲鳥疾
把策詣有司五往五見黜巖棲豈無尚塵託病多役
錢刀壞心氣霜露損毛質蕉萃勿復言流塵蒙白壁
其二十八

陳根託九壤材樸各能蕃剥果存孤碩微穉僅不殘
芄芄萬植中吾獨妬其艱空務封沃勤柯條竟䟽單
其二十九

䟽單勿復道幸抱此高襟妙鑑旣弘照大車亦雄任
如何覆載洪行迹復淹沉孤征即長道纏綿荆莽侵
焉能不跼踏日月坐以深
其三十

續勲惟在力獲應非緣劬每當紛紜間儵忽發靈虛
皇樞一納牖神明隨固如其來眇亡岐湏臾充九區
猶操獨繭綸一引盈車魚又若陟春囿萬榮一時敷
研覈皆可食百實皆甘腴由來自不識祗覺本所儲

其三十一

岐路紛百慮三十尚擇術規空際無象踐迹室寸尺
先師有遺架四十迺不惑冰鑑端服膺物貌詎纖忒
交衢紛總總大路遵有一皇皇孔氏程聖愚乃同則

其三十二

萬理盡東魯群空乃西來餘子騁千塗憧憧何取材

學聚蔽穹壤白紛無遺哀熱然對今古至樂不自裁
其三十三

百代爲宇宙升降成興衰興衰極變化忽已邁茲期
方策布群賢建躬各隨時森羅丙法戒所在吾有師
其三十四

有師蒙獲富君子貴爲已每求同若人力勇由知耻
周身飭百行建節廣綱紀任重扛九鼎致遠道千里
細德未足論大榦敢摧靡丈夫生所期恒存在後死
其三十五

明王方御寓世才乃徵庸禮樂建皇極風猷歸大中

亭育茂登殖聲名粲光融卑高百有位道術何終窮
其三十六

仲生能樂志夷吾性善養恣任總勿闕道林胡偃仰
名都富雄第山池半邑黨崇麗摩浮雲瓊筵日弘敞
水陸窮羅羞歌鍾沸繁響妙伎逾二肆游童列彌童
畢性聲色中麟臺進功賞

其三十七

素無經世懷學仕本先訓終然拙枘鑿株木醫文困
渾玄當有期或合阮君遜元龜幸垂兆長往乃無悶

其三十八

築舍負崇巘高卑綠秀林翠嶺絢晨暉丹崖麗夕陰
入坐交飛英當窓語幽禽山人適云觀寫性將清琴
郊居賦既就白醪亦可斟循麓者時藝桑麻長方深
未必談名理歡暢已彌襟

其三十九

壓榆樊石扉坳垣卑四周前楹舒廣場後宇環澄流
微淪帶山趾半覆花竹幽長夏且游浴高蔭終日休
豈必商丘開點爾聊同游

其四十

清晨風候淑引策出郊郭青黃交遠疇循澗桑沃若

白雲被華岑飛澗濯幽壑汎眺思累新冥會神逾廓
命儔賞已豪孤尋寂倍樂

其四十一

雅尚窮闊覽邇蹤愧卑纏卧游空能賦道觀多歷年
終南華岳接峨眉太白連九疑元無地太行非有天
岱宗日華浴祝融星漢懸朝飧赤城霞夕拂匡廬煙
洪河春裂壤橫江秋勁弦因過洞庭水自擢瀟湘船
東海本吾宅太湖襟烏前龍宮多寶藥洞穴鑲禹編
靈期似當值旦暮相付傳

其四十二

驅車出衡門薄游覽九州東征畧瀛海西陟升昆丘
冠巾岱華竦襟帶江河流驗蹟章亥趾裁貢禹王疇
汎觀山海圖遐尋府穴幽八維何所極撮土此可求

其四十三

璇穹積重霄廻運迅不停曜靈爍神燭望舒循九行
三垣列君臣萬緯流物形河漢夜半轉四時各財成
靈憲炳乾文至精存吾徵

其四十四

萬齡同一域千哲共此契遙邇幸相聞師友文室內
行止每討論音辭時賡載單躬事百賢其益故宜大

其四十五

遙賢故懷益密哲重應欽四海三數君垂眷後先深
年位非所限存沒或殊今淵淵玄酒味粲粲瑤華音
懷哉以拜嘉畢世銘卑襟

其四十六

仲尼欲無言六籍終亦呈林藹向春敷有喙隨風鳴
齋房坐清晏文言時有成左生潤瑚珮莊周厲風霆
二漢隆體骨六代繁丹青至哉統其全周後惟唐聲
山鷄且自愛蠅辯方營營

其四十七

學優在用行時舍乃含章士業豈空言斯世存維綱
脩政用熙載樹禮爲周防生養蕃卵胎芟夷謝蕭蘘
文思翊無爲樂聲薦登康本末有宏模千目森鋪張
褐襟衷短簡可布亦可藏

其四十八

至道極心性域外有真覺曠生幸聞脩瞽辯豈喧較
萬變終不繆吾自了滅樂

其四十九

鳳鳥不世見四海以德稱虎豹伏深山雄鷲乃馳名
日月遍經天夕伏亦沈冥目趾待成功誰不仰其明

所以孔仲尼君子疾無聲嗟予蹇淹留閉戶乃浮名
高卑共彰徹近遠均一鳴惟憂邦必聞求之無其情
其五十

六籍統宇宙七緯鍵天人百子錯町畛萬家騰煙雲
眇眇予日接泳洽如淵鱗冥蒙日思道粲發時摛文
紛綸向一貫光彩摩三辰向來覺性言寂寞難重陳
至樂終百年與爾同埃塵

金蘭操二首

初趙魏公子昂與先總管友善游吳輒就
館嘗為總管泥金寫蘭二本祭酒胡文穆
公為先參政題二楚聲允明
保之復綴二琴聲以語兒孫

金蘭之猗猗兮寫我心以貽兮聊與子同歸兮
兩公閑閑兮貽我金蘭兮金蘭也且閑閑也且

和陶淵明飲酒二十首

僕本拙訥繆干時名兩年之間三謁京國游趣既勸
風埃黯然舟中有二蘇和陶詩夜燈獨酌讀其飲酒
二十篇不勝悵慨聊復倚和

昔者病斯世庸人常擾之百物安大化甚似垂裳時
袞袞元化中吾生託於茲學道三十年今辰聊寡疑
願言戒迷塗靈臺亦有持

明時耻韞玉抱策下丘山所獻幾何許腐義數千言

有司繆甄錄一出踰十年身世無一補何物期自傳
士生三代後干名本其情所歎少可知科版獵空名
二者齊亡之何以爲此生此生幸長存得失何復驚
陶公但飲酒千載名自成

大鯤本淵潛化形亦天飛截鶴續鳧脛二物均爲悲
日月繞玄度萬象各有依天地會有終脩短同一歸
吾生向妍華何惜此日衰有酒不解飲而問彼從違
大道本一致無問寂與喧每有希夷時不見耳目偏
逝水喜東流浮雲忘故山美人隔秋風涉江耻空還
且莫或遇之莊周有遺言

客來相話言言多非與是問我誰適從我不識譽毀
幸客來相過惟能默飲爾隨意翻瓦盆不解彈綠綺
秋霜瘁榮木春露華槁英逝者不能已愛憎誰爲情
吾生四十年強半居歆傾不知誰爲之孰爲相號鳴
局促百年內安足稱達生

鳳鳥有五文不共群禽姿言欲覽德輝來下梧桐枝
文采衆愛惜云是應世奇廷無簫韶儀好文空言爲
恐終返天山逝難風塵羈

世事不可極遇酒意自開寬然處百年亦有幾好懷
吾駕無迴轅何適亦何乖夫子惟天行微生病栖栖

孺子濯以清屈公澠其泥幸此杯中物與我多合諧
醉中態多亂真抱自不迷皇唐事悠然古意暫可回
回首望鄉井宵在東南隅倦鳥不出林胡爲涉川塗
冬半多北風疲馬不柰驅昔行氣長健茲來感有餘
園田苟可治豈不懷安居

長愧先師言憂貧不憂道勞辛救寒饑容體易枯老
自從強年來頗不患衰槁翕翕電影間英姣亦何好
澹然無得喪恐有身外寶靈龜不朶頤乃活歲月表
吾足如轉蓬遇風無停時節候迭代序常與家室辭
三歲凡五出別離復在茲行止豈有津誰爲我稽疑

不若巢中禽乃免霜霰欺天運實爲爾通塞任所之
嘗喜陳圖南託世在夢境亦有阮步兵六旬且一醒
神解與辟世此意在各領汨汨糟醅間少復此冥顛
哀哉羊皮人方彼燿虎炳

四十不擬老老狀日已至飲量復減昔三飲已復醉
詩來亦信口甲乙懶排次遐覽天地間何物如我貴
所恨每自喪長失本然味

所乏百畝田亦須五畝宅居食少給躬何復世上跡
一身自賓主一日足抵百知我不暫舍舉眼天日白
默然便歸化亦復何足惜

安世至此日世紛亦已經莊周不畏煩爲人校虧成
五岳屹常居四序乃遷更微子爲之奴箕子出門庭
誰能外闔闢妄動樞機鳴密雲自西郊蕩蕩周文情
然燭能爲月搖翼能爲風手有造化能身在造化中
順時以道用天人乃相通如何負折鼎而欲求張弓
青天恒高高欲上不可得文成食馬肝漢武知復惑
狂念如推瀾滔天不容塞坐此弊其驅亦復幾喪國
吾有升天方難言姑緘默

卜商有遺言學而優則仕學既非爲人仕復寧爲己
有玉求賈沽無道穀亦耻仰瞻夔龍朝俯愧蓬蒿里
駸駸二毛行行入四紀馬逸駕可要風回楫須止
爾無操御中顛覆何所恃

二儀不翻覆萬生豈無真物情雖馮時中亦含元淳
揚子本清靜銜垢作美新賈生抗高志慷慨爲過秦
其君或唐虞彷彿皋契塵訕已狗一時哀哉邁其勤
因知紘紘內心與身自親會須直躬行大道無迷津
提壺掛舟傍還戴漉酒巾何必訪巢許今古皆斯人

秋懷

時運無長榮清商多悲音悲音一何苦壯士有遠心
蕭蕭風篁亂瑟瑟蚬蟻吟寄言眷萬古託之千霜林

潯陽有餘波涯岸倘能尋

已巳閏九月十三夜夢中爲游山詩

春觀入西岫區名意自別松嵐結幽賞蟲鳥弄餘悅
花氣韻蒼沈樹膚落翠雪天行無塵染丘卧自雲絜
心在道不違未覺萬物裂三爵已餘酣清心寫泉月
春風入芳壺吹出椒蘭香累酌無勸酬頽然倚東牀
仙人滿瑤京處處相迎將携手觀大鴻高揖辭虞唐
人生若無夢終世無鴻荒

別唐寅

長河堅冰至北風吹衣涼戶庭不可出送子上河梁
握手三數語禮不及壺觴前轅有征夫同行意異鄉
人生豈有定日月亦代明毛裘忽中卷先風欲飛翔
南北各轉首登途勿徊徨

夢作月山獨步歌

不忿白日塵宵賞有靈悅山蹊任襟入不必有昔轍
石淙長寫韻風林時落葉凍狷僵石霜躍鱗觸潭月
山空夜深靜魑鬼時出滅自非返冥極誰能畏城闕

擬傷亂

楚氛望方惡魯戰謨未諧晉糴每多閉秦饑良可哀

三精塞祲霧暘雨更爲災巴蜀風塵暝關河士馬來
洪流滅阡陌溝市盈饑骸豈無眠戈誓慷慨擊楫才
夏屋旣漂搖郊壘多崩隕楨榦可相尋松栢亦已摧
天王下制詔仁聲九域開庶幾赳赳客猶上黃金臺
代江南水災謠

九愍九首

庚午噉吳越間民瘼作九愍

溪毛圃芽鮮芳殊吳儂恒食饒嘉蔬今年大饑百年
無百年無柰空腸齧野草同牛羊

大麥青青四尺長大水過頭一尺強安得不托與餒
餒無餒餒且自可秧不成苦殺我

四月泔水麥不秋五月插秧水不收良田萬頃盡洪
流盡洪流大無禾民皆死如國何

棟撓室摧墉善崩沈竈產鼃不得烹康衢第席通流
平通流平慕鴟鴞望伯禹懷有巢

饑亡溺亡十二五載降之疫亡亡數誰生厲階令帝

怒令帝怒半爲鬼厲階人安富貴
有田莫買只賣屋况有筐箱與巾服妻乎子乎牽出
鬻牽出鬻汝不肯推溝瀆竟死等
舊乞無幾新乞多吾食不續欲分何汝不吾分越奪
那越奪那乞化偷孱則丐狠則搜
舊田不粒猶征逋新田爲淵租未除農來爲兵強執
及強執及絕錢縛國無農其何國
官困曠空抽民米富人削瘠貧人死嗟嗟土牧亦勞
只亦勞只荒政難弔吾民嗟吾官

水詩

雨漫天兮天不得見水漫地兮地不得踐烝人不粒
兮桑田變神仙老死佛入滅伯禹乘龍仲尼乘筏出
八極兮睨涪滄而不即公無渡河兮公旣沒婦逐狂
夫與子偕溺青山摧鼇足斷蛟蛇騰拏萬物錯亂厥
初天一兮生水其載與天地兮爲終始

沈憤

燭龍奔天衢不照雲下人陽貨盜玉弓仲尼糧絕陳
筆絕春秋成乘桴汎洪淵莫食汨羅魚腸中有靈均
青天上無路黃泉下無門漫漫長夜中萬古齊一塵

知山堂雅集

小山不妨官中隱從近闕無論車馬色幸共禽魚悅
風泉夕韻夏霜月冬氣潔醒醉齊一襟心賞方茲結

雪後楊禮部邀宴用謝宣成韻分得濁字

季冬雪始降佳氣通歲朔君子良燕會時拓總延擢
揖遜粲賓禮登奏鬯嘉樂蘭薰互霑襲松顏齊卓犖
遐覽萬物昭無復見黷濁微言共一契所寄在綿邈

召父歌送朱版曹升之守延平

西北有高山東南有大海生我延平民居中百千載
遠在天南頭去 聖人萬里欲得無菑害祗賴賢守
宰 聖人念遠人賜我慈父母輟其股肱佐來爲赤

子乳我望朱夫子如望漢召父請爲召父歌女知召
父不召父善治田從橫正疆畝始予我錢鎛以及奄
銍艾耦耕并牛犁秔稌諸種等田功多方理要領在
水利廣開溝門闕處處廣灌溉均水作約束刺石防
決汜劭農走阡陌止舍即野次召父善教人頒訓從
幼艾孝弟正家族勤謹不弛怠趨役赴公事和孫於
社火有稟特秀異使結衿帶佩入學共絃誦學古壯
而仕召父善阜財民產加豐大召父善聽訟無情不
譁喙饑渴召父食寒裸召父被召父善使人隨時各
分代召父善事神水旱不爲厲人口歲增倍訟盜悉

衰止召父去已久循良風聲在惟有朱夫子甚與召
父似凡此召父善朱夫子盡備夫子來母遲百姓日
候伺凡此召父事于今益有賴一一速施行惠我起
我憊上戴 天子恩夫子還入拜願為公孤貴名與
召父妃

祝氏集畧卷第三

祝氏集畧卷第四

古調

夙駕邁皇邑

夙駕邁皇邑送胡侯也侯宰吳而循將述
職朝于 京師民願其陟明而懼其不來
於是交懷乃述是詩送之凡二篇

夙駕邁皇邑奏計 天子闡命臣宰吳民民淳幸成
治君子閑禮教細人勤耘耔潢池徒涉境亦幸免顛
隳歲月可少假當轉瘠為肥臣政報不欺 大君企
鑒裁

鳳駕邁皇邑公去我心悲京吳期月程父母何時歸
所慮大君留吾儕將疇依賢人在高位庶績用咸
熙子產往作相嗣之來者誰大君一內外留遣皆
賢才

怨詩

繁霜隕衰秋萬物無一歡后稷苦望歲仲尼唱猗蘭
東海有愁龍西崖有鸞文王舊時操極古無人彈

京館登樓眺遠

登樓睇遙際邇值城東阿都市無曠壤萬室交鱗羅
花鳥不見妍鳴輪日衝過衢喧萬方言嘈雜絲吹和

贊皇籌幸運仲宣憂獨多吳邦弗可見不樂將如何

舟行汶上薄暮看月作

璇蓋瑩空青飛鑑泛華艷川原邈夷曠疎木媚寒澗
廣路斷浮鞅旅翫諧靖念跡逝偕志行萬里靡坊塹
苟無忠惠持誰能勞不厭

自京師南赴嶺表仲冬在道中

秉策志渥丹牽絲及班艾拜寵北闕下寄命南嶠外
霜履將蹈冰虛舸循寒瀨越鄉慚古節垂堂慄先戒
劉公存社稷雅尚幸終會余弱壯求仕夙願令長今幸如志深與劉梁言志符
合一丘沈結膺三曆擬投帶晚蔭答蒼靈赤鑑慎無

昧

五十服官政效白公

五十服官政六十方熟仕七十乃致政古今固一致
吾年五十五始受一縣寄七里劇彈丸亦有社稷置
夙懷同劉君後漢劉梁今此幸諧志所憂脚本短時彫虞
易躋祗應盡素衷玄鑒不可悖一區石湖水漁舟早
相伺

夢游

航葦緣曲谿峽深谿轉幽澄靚水氣甘葱蒼木蔭稠
空舸孤持楫愈入世彌道步履窮豎亥祗此適余舟
蟲鳥元共性非契我何求

予行物已隔極境愈欲至獨有仙巢子被髮跪雲內
栖巖玩頽陽流谷響清喟湏臾始云觀伺我九千歲
海中多真人徒美遐不值琅霄有飈輪中夜以為會
讀余侍御游泰山記詠其間二三處

明堂

於鑠姬后締茲合宮爰宅神明穆穆王風降及後王
以奉土木彼營于朝形侈實黷今我涖瞻猶拜文武
念茲草木且附聖土有赫我后三登五咸臣願師
周唯后用鑒

絕頂玉皇殿

乾居冠峻嶽承級通明宮星辰綴琨棟雲霧彌璇墉
攝齊入金門拜肅闕天容俯躬覽八表辨方識疆封
西北拱 王室舟車方會同

日觀

我昔聞日觀想像當雄哉君今登日觀真從日邊來
君言日觀高踞山之東左有天門右有絕崖從中突
起一片石不知千丈萬丈上撥浮雲開扶携石傍東
面坐但見東方無際畔盡在莽蒼滄茫間上不辨穹
霄下不分人寰八極總一景焉知別華蠻忽聞天鷄

鳴一聲恍惚紅光射破青冥端龍宮煨火齊琢為太
陽丸海波瀲灩玻璃翻搏桑條條掃三山衛霞從霧
紛爛端五彩錯亂多朱殷龍車不須轂跋烏不須翰
奮迅升天關游天衢兮循天環開闢六合天尊地卑
萬物出作咸乂安日觀之日乃如此亘古不息正天
紀蒼生仰照宣重光吾能言之自此始

方烈婦詩

芙蕖託藕根藕折芙蕖萎雄劍出土中雌劍飛相隨
桐城有女姚嫁事方家郎貞心兩松栢信誓雙鴛鴦
方郎中路隕女姚治其喪明朝郎入土何事妾不亡

妾有十尺絲玉質奄從化一夜寒霰零蘭枯蕙亦謝
煌煌雙白璧合瘞南山岡宛宛兩柔荑為人挈三綱
旌書下萬乘烈聲騰九有九原多雜臣試問方家婦

龍川山中早行

磻磻左山影橫截右山腰辨色鳥謹翔微光漾晴朝
浮雲若中斷蔚蔚方行遙

朝雲山腰生我在雲中行只恐雲載我飛上白玉京
世塵邈已隔天鷄猶未鳴須臾微風發東極金烏升

莆田鄭殿中綠野亭

吾聞烏山下千載君子宮云誰構此者柱下有遺風

昔與韓忠獻同升事仁宗抗節匡王度寒歲榮霜松
翩然返薜蘿考槃亭此中孫子聯翼翔邦人亦欽崇
出處鑒茲宅眷言均帝衷

贈倫解元 三首

佳人出南國鬱鬱春松姿手有龍卷文忠信以自持
茂年秉高義淑姆群婦師君子聘好述任妙共風期
關關睢鳩化四海為雍熙

珠玉一出世見者愛輝光雲漢倬昭回衆夫仰文章
煌煌錦繡段願為衣與裳醴泉消渴心嘉禾望充腸
亭亭梧桐樹可以棲鳳凰

明王攬大字百福日富來車書上皇邑八表無遲回
與子遇原野携手乃徘徊君行遵大路日以寫予懷

贈王翰林思

先公昔登庸寔出元禮門雄篇累賁遺存亡被光燉
吾兒繆通籍重得聯英騫頑鄙當其中俯仰慚祖孫
夫子篤風義眷然推好敦昨旅同北都今來共南濱
叶英哲產自艱分氣勤化元繩矩用必莊天球質本
溫藏蓄在王府望瞻不可捫誰令寘海隅混揉珠貝
繁蘭風滌瘴腥桐韻澄蠻喧邇來觀海居高寄城西
原白雉不見來蜃氣日夕昏將無辱賢者乘桴慨遺

言韓公日良覲代隔道共存時時出卮言珍怪無與
璠頗聞多幽味深澹如丘樊蔚林斷湫鞅疏篠涵靜
源萬境不能亂始知吾性尊鳳文非可求惠然下蓬
軒雖欽俯芥收終愧仰蘿援即欲往從之川梁棘我
轅塵謹無足投望報來瓊琨空荒坐遲晚勁策幸扶
擗

題黃山人詩卷

山人黃震陽字一元臨川人
能琴善醫曉五行祿命來拜

予縣庭中持盛王二翰林詩
卷以代贄請詩因走筆還之

南來作縣官亦希遇異人三年霧眯目衣上多新塵
翩翩一黃鶴啣書祝融濱下庭展軸諷字字青瑤瑋

既驚日暮契猶懷夙昔親鳳鳴燕雀間視聽斲得伸
鶴乎果有升天翼借我乘之朝玉宸

吉湖口湯泉

慕詭適修禊嘯侶閱靈淵機權知匪測橐籥詎云偏
感沸連波起鴻鑪不斷燃蓋石愈怪傑襟湖何渺綿
蕭丘有寒燄化理同一玄燧人與堯井無為帝力全

鷄黍詞

庭中有群鷄主人賦之黍魯鷄偶遠立於此有遺秬
越鷄氣沾沾欣睨躍拙距主人軒然笑爾蠢何足語
嗟哉胡得喪可惡爾畜羽幸禍天所怒得喪天所與

主人唯至公但使豐年屢叶

讀嘉靖改元

詔書并閱邸報臣敬作詩一

首

宮車昔晏駕

鴻寶歸

親賢

元后上聖姿神龍

潛虞淵乘乾奉

天祐

皇極建冲年百辟迎代來

凝命居清玄

皇風仁偃草一日周九埏震霆雨作

解赫曦清旻懸除兇力摧虎狹狷狂重鍵擊冥走鬼

彫好問廣詢延急治熱願濯從善坂流圓響答朝至

旻

萬幾無停宣泰否一徃復乾坤隨轉旋昔自堯

舜來神化無此前聲休度百王

九廟光蟬媯

天

祿永無疆 聖治終始全 臣詩屬先驅 三靈赫臨鑒

叶

過湖

紆迴蒼壁帶平瑩 玄銅鑑昊旭懸邃 霄光景高下湛 周覽總一天織埃焉受犯

漂水官舍

皇州本叢麗 倅府亦多暇 高木停車蓋 白石砥根下 鷄犬寂不聞 明窓晃低亞 礪奏不絃琴 山橫無筆架 流雲過簷牖 斜照盪書畫 巖居固同此 此寓未稅駕 出高淳縣望寶積寺塔

巖邑無闐闐 出市即郊隰 淒涼木石寡 衡縱眈滄襲 微陽廣土被 厚霰蔓草浥 四垂天茫茫 忽覲斯獨立 檀欒布牙角 亭突樹磴級 卑壓蒼翳叢 明標粉黛爰 遂疑塵井絡 仍謂賢聖集 旋行邇復遐 窺戶廓沈戢 游煩少解散 空諦亦叢及

喜雨篇送推官李公

三農病焦裂 百姓慕來蘇 焉知皇運仁 下土不終瘠 良風助玄雲 灑淅散膏濡 農人舖在野 蔀室懽婦姑 拜嘉我李父 駕言忽 王都願挾懷 中澤呈君被 九

區

送盛斯徵中丞巡撫江西

公昔危言行忠信嚴操持抗節抑權近獨結 明主
知騰波百低昂底柱無虧移况茲唐虞朝盱夕瀕臯
夔龍升雲亦高松老節益奇 眷言命召虎江沱煩
撫綏愚凜狂悖來十民九顛瘳于今保治要邦本最
先宜公豈無素鑒次第將裁施格君雖美談寧邦幸
沉思世願與史聲豈獨鄉人期

送徵明計偕御試

恭人當遠別思念畏寅送詎惟離群悵吳邦去光重
叶奇珍不橫道適為 宗廟用 叶君其保氣體訊問

惻寤夢鄙夫誰向扣日益守空空 叶時來玩鶴雛頰
仰見翔鳳怠賦李陵詩願為王褒頌

鶴章

癸未歲人日余家構新堂成肅延北山
老師醮陳感佑之謚當奏章時仙騏三
輩旋導燎臺奏升而駕亦逝衆目瞻竦敬
賦一章銘志玄賜兼謝周師精高之效書
奉并望
和篇

歸命禮昊乾肅筵事三清真功仗宸官得此金門卿
碧牘函赤心法步凌紫京八霄青瀾瀾剛颺別魯城
獨馳丹元叟直詣太昊庭紫皇已傳命仙駕垂雲征
翩翩三縞衣上下相承迎翔衛既通奏矯羽歛上升
安得如几飛淹留悅歡情傍嬉臣詎同畏威敢為榮

始知精賢師可以徹土誠銘襟永攀脩玄祉庶獲并

夏日林間

空林坐遠暑松蓋載炎日重陰集涼氣薄吹颺亦及
幽禽時度語遙磻汎清瑟厨人列齋素稚子來共食
援琴弄山海頗復似加適牛羊下前山自入後簷息
余亦杖策迴今辰茲已夕

汎舟登郡西諸山作

西巖蔚春氣丹翠絢長靄結駟出閭門日華浮羽蓋
曉市湊萬響方言九州會青翰迅妍洲遙遙背城邁
中流簫鼓鳴連甍夾隄起叶鶯吟芳樹底鷗舞澄沙

際叶柳坂少依依花淑始綵繚逶迤度重嶺宛轉入
蒙蒼欣遭勝域奏慮遣俗累解薄暮風詠歸華月漾
玄瀨鳴笳震水關登陸且迴憩叶遨翔訂可樂來往
日月代

雜吟四首

青陽肇物觀披覽川隰外草木寒不榮玄鳥聞未至
高原有松柏亦為蠹蟲敗繁華湏臾間後凋亦自貴
惟望多麥禾麥禾可卒歲

春日欣載陽淒颺霾暄蒙玄雲何許集晝夜彌衡穹
孤陽秉光淑元化潛開通

高樓臨道院舒目喬林端天際浮雲開遙見江上山
山中有禹書竹簡鎖石函我欲往求之試尋古道觀
惟恐雲復合駕言空去還

鳳皇粲德文和鳴亦嘒嘒舉世未曾見衆口稱麗美
唐虞有至治千載盛傳聞學者抱典謨終年向人論
舜死鳳不來寒士長欣欣

賦得春陽曲戲柬天文

錢唐蘇小小京洛董嬌嬈穠芳競桃李清潤並瓊瑤
頽山左右倚因風上下飄東隣不姓宋無恠一相邀

秋日作

危陽旣驕夏衰霖復傷秋夏驕衆夫病秋傷田畯憂
少壯且頽墮耆人衷百愁萬物蒙化成聖賢豈有謀
栖栖非爲佞駕言我焉求

偶述情事

投弁歸柴荆時晦企遵養頗諧築構庸亦遂灌植賞
素履暮已定空法獨結想自甘婁生戒無論缺三字衷
和亦氣謚焉足問直枉違俗柰束擾鈎校旣非尚物
理不爽銖答應難絕響一旦缺七字鞅

爲張孝廉題留犢圖送吳邑楊明府

東京扇廉耀風流逮當塗時子牧淮甸解犢振清模

介石似滅頂千載不數夫安知後代士裂膚韞明珠
邕邕楊夫子抱琴宰東吳孟水謂食潔戶兒言卹孤
虞廷奏箭韶鳳凰翥宸都誰能獻丹青清風擁前驅
復願寫縣壁告彼新尹圖

夢唐寅徐禎卿亦有張靈

唐生白虹寶荆砥夙磨磷江河鯤不徒魯野遂戕麟
徐子十缺一字周邃討務精純遑遑訪魏漢北學中離
群伊余守初質温故以知新誰出不由戶貌別情還
均濁世二三子厭棄猶爲人相逢靡幽明隔域豈不
親茲塗無爾我相泯等一真昔亦念張孺猶能逐冥

塵

賦得君馬黃送黃翰林才伯

君馬黃臣馬驪駮以驥馬來何遲驪馬善折軸驥馬
不失馳天閑衛龍馭終不到瑤池

又絕句二首

閭門車馬出楊柳綠依依龍樓清夢起開閣待君歸
江山司馬筆民物杜陵吟他年黃閣裏便是此時心

詩四首

予見古今士遯世不缺一字屏志羔鴈之外或有知罔
所荅徒負旃旌嗚呼獨君臣之際哉

盈盈高樓女粲粲紅粉粧灼灼耀容華粲粲缺一衣

裳丹唇激浩齒鬢髮婉青揚缺三間里缺三洞房見

者驚若神翹首仰輝光

名都多秀艷三五騁神逸六門交長衢窓中坐曉日

行行萬夫望缺二不可匹君子嚴禮聘承筐富充積

嘉耦缺一好逑高堂鼓琴瑟

珠玉含澤輝妖女缺一容華門巷多履綦缺一冶市

門誇紛紛容悅已日暮宿倡家

巍巍西山高湛湛山下水昂昂千丈松靡靡百草委

下有虎鬼伏上有兔蘿倚

荅黃魚魯

昔與君子別朔雪正霏霏惠音阻良覲歎息避炎威

偃卧懷夙昔風雨淪淒淒磊磊井上松秋菊晚相依

倏忽時候變星霜迅若飛

懷知詩

卧病泊然緬懷平生知愛遂各為一詩少

長隱顯遠近存沒皆非所計祇以心腑之

真凡十有八人共詩一十九首

同老十人

顧明府榮夫

錢太常元抑

王文學履吉二首

葛隱君汝敬

湯徵君文守

謝處士元和

表弟蔣燁允暉

施侍御聘之

朱提刑升之

張秀才天賦

往者八人

吳文定公

王文恪公

韓尚書貫道

沈周先生

本郡使君南海林公

陸冢宰

朱孝廉性甫

朱文學堯民

顧明府榮夫

雞山燕市每依依此日都拋入洛衣家近鬱林公舊
隱門如彭澤令初歸空憐舊社惟君密却笑無車訪
我稀最愛滄浪池水好幾時同坐一方磯

錢太常元抑

入室芝蘭始見熏也知孤陋合離群烟霄本自冥黃
鵠城市安能駐白雲震澤晚山青歷歷漕湖秋水碧
云云相思只借中天月會把清輝兩地分

王文學履吉二首

七十看花歲已殘始憐梅蕊照衰顏河清可道遭逢

易駕俗深慚會合難錦繡段間藏黼黻驪龍珠抱媚
江山欲留光彩無窮事心緒悠悠竹素間
我居廬陌子滄洲望隔江城各倚樓共惜賈生違漢
室豈知王粲重荊州青雲尚恐終難附白壁空懷未
盡投十載三都墻室滿不堪玄晏思悠悠

葛隱居汝敬

獨承華緒振芳塵想見先公氣魄新開口只傳前輩
事存心不共此時人城中紫陌藏巢許門外青山是
主賓布褐一逢埃土盡誰言叔度賤還貧

湯徵君文守

舞勺歌詩把袂儔白頭俱換舊烏頭深憐武庫空懷
寶却羨名宗獨綴旒擊壤舍君誰作伴看山無我不
成遊酣歌李白襄陽曲掌上隋珠國已收

謝處士元和

薰茗清談午夜陪詩筒拂旦又飛來應憐去日來多
日却見千迴似一迴槐院定酬王祐志蘭庭休起卜
商哀紅芳落盡青青在始信松筠是德材

表弟蔣燁允暉

風雨牀空坐燭闌分襟兩見歲華殘蕭條鷗鷺江湖
闊寂寞宮商草樹寒王謝風流吾子在武功中外老

夫單懷君有句君應笑不向滄浪共釣竿

施侍御聘之

吳興

行藏蹤迹只雲萍一種神襟爾我形清角痛悲鳴晉
鄙黃鍾力挽向虞廷丹山鳳去尼丘歎紫府龍歸雪
水靈昨日書來淚盈把南溟心語到東溟

朱提刑升之

楚州

渚萍漂泊合江離並逐東流更不移豈獨松篁能晚
節共拋簪紱向明時烟霞草樹春容與霄漢星辰夜
陸離慙愧逢人說桑梓只如黃卷對光儀

張秀才天賦

惠州

文征屢北道空南雲錦才華織女慙宗廟豈能瑚璉
舍蛟龍未許土泥弁襟期天合膠投漆光彩神驚玉
在函不見書來誦書序相望渾欲淚氤氳

吳文定公

穆穆文定淵淵金玉風被四遠譽髦歸淑伊余小子
欽承在夙籥雲駿附潛泥躡伏詞林嚼恤閱息茅
盧扣戶請益拱肅趨隅教曰勗旃竭景劬書默爾富
獲單辭靡餘選曹展丘俾書皇綸山房接夕返
檝同津永言夙好傍諭前聞虛膺祗受充然萬珍
公耆後先三四及門一瞻百益矧曰終身望之如日

就之如雲大雅既喪悼實徒紛

王文恪公

肅肅文恪有嚴我師扣竭空鄙博約兼資片語必法
寸履皆規甘雨中含滋浹時熙 屢躋于征靡辭有
戚公薦以升黃閣有職援呼日三導掖謨百嗟予不
肖鼎冶負德 邦作封史來相予總謂言冢君車迎
館奉力襄懷報寧公戾衆公往趣成傍誚莫誦公聞
斯愠命我專統謂守載屬同群益汹終亦靡克公愾
滋勇有矢畢命卒隊茲恐 公歸在堂復侍函文三
變泰如揚休彌暢湖山奠高風霆下上嗟予懦與弗

從以往中星載回遄失几杖梁木既壞吾將安放

韓尚書貫道

司徒巖巖四海具瞻孰不歛衽植偃確頑蒙遜以卑
霄麗泥蟠訊之招之令之曰前旭日垂熙溫誨孔殷
昔我先公政于晉陽知公于童拔立序庠範之德
行訓之典章古道世用啓迪游揚聲詩書畫亦靡不
詳曰爾國器必成用先公曰於乎前德不忘 乃共
之食乃賜之帛嚴威儼恪靖莊允塞拜賜必誠餐德
必實一望弗再有啣以訖

沈周先生

有華東陽燁于吳門古有遺高展也茲存孰爲先生
秀降三辰曾集萬寶手揮五雲九淵湛映千莖齊芬
鶴跼霄達抗百風塵 維予二祖式契且姻親公自
髻屬于夕昕齒惟父子視猶季昆聚晤負負援推勤
勤謂子良史左丘馬班謂子鵬運直舉橫騫安知乘
馬班如迤邐終需于泥以卒歲年 余旣暮矣公猶
巋然于何不減自遐不因一往不復追悔空辛豈念
平生我思古人

本郡使君南海林公

昌哉我牧百夫之特瞬洞萬禁平吞四渤經庫儲學
智囊韜識鸞刀一振百截以訖吳材總升胡特我特
載笑載言載詠以繹有作斯屬慚孤善述冥留靈逝
奚贖身百九京有知有茹闔臆

陸冢宰

陸締于我好也奕世中丞汪汪視實兄弟翔泳殊能
達磐別致川梁無接櫺鐔遙契南都于邁日以文會
勗哉進修驩然游藝鷗鷺先盟江湖結氣 公績平
寇尚克銘紀首聚須臾夙約載厲迨登掌武爰均四
海迹用地隔禮由嫌廢穹淵契闕恍若越世 恩譴
公被不才余棄聚散忽再幽明永異終則群疑始亦

何諱丹誠寸積悠悠兩在天吳晝掠鰲波夕沸芒芒
大壑竟兮何寄

朱孝廉性甫

秀矣孝廉名駒在谷白玉清冰碧梧翠竹少游諸老
孤鶯喬木予家日見匪暝維夙黃庭晉度朱絃漢曲
群公星落長庚爾獨後生更仰雞群昂鵠頽然順化
行閱滄陸修年默逝亦可世哭雅緒君斷更莫彼續
來英日富風流絕目前修履踐流膏碎馥嗟子勤哉
堆箱疊腹繫我與君髮皓相逐今我視衆如君我矚
餘霜猶幾三歎不足

朱文學堯民

葑亦多彥胥矣兩朱崑丘連壁嶧陽雙梧子出最後
遺風爽如寒泉冬潔葦竹秋臞積百媚學孰儷君劬
宵聞片籍屏寐以頽失之皇皇獲之愉愉拋裘噴炙
投玉捐珠珍香寶茗法繪名書清談晏對日坐仙區
愛我維篤棄我亦徐悵其邈矣臨風永吁

挽歌詩

清晨出閭門丹旗何飛翻問之路傍人新鬼即幽墳
翹望旗中題知吾夙所敦昨朝華屋間啞啞相笑言
日月畧流轉幽明已異門昔時強仁義茲辰聲益尊

屬徒送自返婦子亦一喧君獨長甘眠不知悲與欣
由茲壽無垠萬秋如一昏零霜殺宵草繞山游微魂
游魂不復貴所慰行節存

寶劍篇

我有三尺匣白石隱青鋒一藏三十年不敢輕開封
無人解舞術秋山鎖神龍時時自提看碧水蒼芙蓉
家雞未須割屠蛟或當逢想望張壯武揄揚郭代公
高歌撫匣卧欲哭干將翁幸得留光彩長飛星漢中

黃金篇

靈質自化育英姿藉鑪錘虹光衡煜煜晨曦縱惇惇
紫霞煽虛燄青渠暈幽蕤在鎔未云卜躍冶詎其宜
能函大鈞體伏型韞神奇何當錯寶銛戮妖血荒夷
鴻祕已出柙勳用吾未知疾市碎礎斧交易方紛披

八詠

禁省

彤華耀芝蓋初旭浮絳纈紫殿切五雲螭表雙嵴嶠
千門洞陰陰天光互明滅英英鳳翼擁肅肅羽旗列
仙韶忽然奏鳥獸咸應節皂囊上玉陛丹書出金闕

軍戎

西北羽書急半夜渡湟水上將受鉞出壯士把弓起

天王跪推轂四海盡雪耻殺氣入匈奴萬里地色紫
琯戈插犀甲鐵勒封馬齒平生百戰身常擬一日死

田家

溪流浸茅宇短簷挂犁鉏柔桑交午陰幽禽時相呼
稚子跨犢眠夢歸候朝鋪稼翁釋其勞慙往携陶壺
老妻督少婦擇繭停辟纒輕雨日日零群苗盡懷蘇

漁釣

幸非城市住不舍煙波宅白鳥麗金沙蒼葦繞黃石
涼陰木澗青平遠水天碧梁寒魚盡落稻晚蟹猶瘠
脩綸倚笻箸敗笠蓋襪沾酒自易醉楓根忽終夕

禪林

泥洹金為地祇園寶作坊蓮猊兩足尊天龍億萬王
燈存千歲燄鑪騰百種香精舍坐苾芻屈曲蜂聯房
又如拘陀葉處處陰清涼暫棲蘊已空弘慈不可量

宮觀

青霞抱琳館蘿陰絡深逕龜遊煙沼煖鶴立天壇淨
微香拂幽洞欲覓風不定雲房並縣簾晝日鎖虛靜
琪殿臨高臺時聞落瑤磬循除步周匝徧扣無人應

俠少

三游本豪武七貴元驕惰腰間血七燿頭上金丸過

艷妓掌列盤變童口承唾高樓沸歌鍾王侯日盈座
殺人不須仇睚眦家立破郭氏族盡滅銅山死猶餓

宮閨

十五事君王三十色未接醮篠空近羊蕪藹不集蝶
昔慚鴟夷汎今免呼韓挾天天東鄰子看星誦桃葉
塗黃斷橫雲流紅漬團圞金微幾千里一夜去來疊

太行歌

上客坐高堂聽僕歌
六歲從先公騎馬出晉陽
遙循厚土足忽上王
但聞風雷聲不見日月光
狐兔繞馬蹄虎豹嗥
衡跨數十州四面殊封疆

童心多驚慄壯氣已飛揚自來江南郡佳麗稱吾鄉
邈哉雄豪觀寤寐不可忘人生非太行耳目空茫茫

金臺

東南控瀛海西北壓胡塵召公上輔周文侯方用秦
子丹養君子不惜如花人昭王禮郭生崇臺懸黃金
齊方入騶衍梁邦來劇辛從來燕好士疆國尚功勳

漂母祠

子胥逢擊絮遂爲鞭屍人淮陰遇漂母終亦去亡秦
豪傑與嬋媛萬年共一塵清淮映古廟月明空沄沄
安能問市上復問哀王孫

題隱士山居

志士果藏隱勝境合冲閒冥冥討幽蹟息躬構深山
青蘿施欄宇循除鳴流湍綿帟積皮几時衡素絲彈
出郭便無累何煩嵩華艱危岑寄遠氣屹矣不可攀

唐人寫胡騎圖

天山一夜雪北風吹復乾胡兒騎馬出踏碎白琅玕
鬕胡擁羶項旃毳不知寒季冬飛鳥絕虛絃控不彈
焉知北海雁高翥入長安帛書天上度何功報可汗
家藏馬遠春山行樂大幅

淑候媚川石初景澹林霏扶藤循石坂楊柳共依依
朱絃卧行樸隨往抱希微無論遇高賞器在道無違
戴文進松崖

陰崖萬古縣橫出千歲松中有落澗遙怒躍數白龍
長年不聞聲發卷耳欲聳遠楚夕莽蒼町曠迴照紅
此域萬物靜尚有坐二翁何必非夷齊破衣蕭蕭風
劉西臺 丑畫松

何年楮先生結此太古骨飛龍蛻戡肉餘甲裹枸檮
神根發生理元氣日勃勃彭城已廿載此骨長不沒
題畫二首

白雲媚蒼山寂寂太古春窅藹林薄中一區宅無鄰

揚子坐清靜閉門了玄文兩生勿輕過惟通問字人

其二

季冬雪重積十日奇寒沍啾聞不聞葱舊失其故
客子欲何歸中林猶獨步幸有蒼蒼松為辨去來路

秋山琴月圖

玉照洞秋冰厓肅夜靈籟之感絲音茲舍太陰幽煌
希聲無倪迎之以虛承之以微

詠新安許氏石潭

沈沈山下潭粲粲潭中石結宇子亦賢喜作石潭客
將同丘生棲可有奇章癖茲標本余契遐詠亦馳適

次韻得之看梅

江梅不畏寒時至開如霰瓌姿靜在野卧病不得見
國士抱奇寶端居察時變杖策出城市蒿萊滿荒甸
遐尋得幽賞獨對姑射面化泰草木蕃時閉賢不見
無禾比兩歲字缺二將九縣分珪善會計棄士如土賤
俗儒誦腐簡鄉子樂耽燕熹歌唐虞授復譽湯武戰
子有經世懷待賈不自獻神威盛龍熊奇秘卷帳鈐
去聲時節會應求風虎期非晏巍然奮載績志沛聲亦
建

草閣玩水圖

濠上有川歎滄洲多海懷伊我江湖姿浩蕩中淵迴
尋秘右洞庭飛衿左蓬萊瑚琲探富獲存之無輕開
揚波萬古源蕩瀟塞視埃誰能寫小筆聊意亦可諧
仁智在戶限寄言亦悠哉臨詠志一啓得者亦可推
黃汾窈如湮安問傳巖才

神游篇贈黃勉之

勉之將遠遊先
自呼五嶽山人

帝遣河上公下來赤縣游采真金庭房漫衍三十秋
禹書眇一策詎幾窮沉幽蘭香悅亦感安能久綢繆
回首視泰元紫烟覆神州壘落結五九杼軸冥交鉤
內笈千神鈴星雲表沉浮猿鹿總千歲桂姿無年休

雨露黠在下日月環輪流憶昨鶴上客招邀翫滄丘
子旣夙邁之飄然躡霞輶長歌我勸駕神偕足孤留
金烏鳴日觀玉女呼洗頭三壺風帆迅弱水不容舟
隨風唾珠玉空徧

缺

二

收聞有金光草窈墨無所投

升攀星辰宮忽恍垂前旒長跪問寶章八荒極探搜
一餐換塵骨萬品皆蜉蝣與子無往來逍遙齊所求

尚書內相毛文簡公挽辭

休辰盛文化畿吳富登庸蟬聯首四方藹藹來毛公
翼翼寶玉執桓桓岱山崇翊亮總王禮啓沃諧王
衷三朝補缺袞百辟詹清風職思謹詔相不綵亦

不竦公薨 后弔恤哀榮天壤終

祝氏集畧卷第四

廿五

祝氏集畧卷第四

祝氏集畧卷第五

歌行

長安秋

長安昔日在關中洛陽浙右亦相同江東自古帝王
宅周秦已見氣葱葱長道石城如踞虎長道鍾阜似
蟠龍千年王氣浮天表一日真人建法宮天府天開
天闕起五門三殿當中峙五鳳樓前柳似烟奉天門
外天如水金陵金闕勝金城玉陛連天接玉京星散
羽林霜氣肅天臨華蓋日華明十二飛樓石門繚百
萬貔貅屯八表寶刹天花和月飛郊壇神樂穿雲宵

祝氏集畧卷第五

廿五

御史當街百騎驄將軍納陛羅霜鋒五侯甲第遙迷
霧七貴前驅響鬪風鳳凰臺上鳳凰遊玄武湖中水
似油萬戶鶯啼花裏曉千家砧搗月中秋會同館外
白雉多包茅楛矢交經過重譯來賓醉卉服輕烟澹
粉列青蛾六樓六館鬪倡妍日日新聲沸管絃狹市
斜街迷錯絡曲房洞戶暗鈎連吳下書生好遠遊抱
書來看帝王州那知高卧西風邸蓬眉蕭颯長安秋

呂梁行

呂梁縣水三十仞於今洶湧乃安流禹平水土通九
州當此徐兗間罔水破山始行舟仲尼逢至人其言
載莊周爾來二千年高者乃夷衡者拏魚鰕龜鼈不
可過飛鳥臨之回翔不能留嗟爾東西南北之人胡
爲此中游到京忘家歸家忘京不知此險死生隔其
中爲心喉痛人皆化爲至夫吁嗟乎孔莊之歎空悠
悠

濟陽登太白酒樓卻寄施湖州

聘之

昔聞董糟丘嘗爲李白天津橋南造酒樓人間二子
不可見唯有傑句挂余心肺爛珊瑚鉤長安風沙
住不得南歸再卧蘇臺秋泊舟濟陽城買酒銷客愁
登樓拜先生進爵澆黃流知章不語先生笑飛花亂

撲過樓頭金陵更無鳳凰遊岳陽莫將黃鶴留鄉關
浮雲蔽落日題詩卻寄施湖州余為先生牛馬走湖
州乃是賀老儔西塞山杜若洲與爾相期釣鼈去千
年江海同悠悠

歌風臺

掉臂長安市遙從日邊來因過芒碭下步上歌風臺
沛公善任使猛士亡其骸帝業袖手成慷慨襟抱開
大風飛雲亦壯哉韓彭英盧相繼死寄命寺人髀股
間未央志氣拉颯摧相望千年餘安能為之哀明朝
放舟淮浦去項王韓侯祠下亦徘徊

清溪宮夢仙吟

都邑聲色區此有蓬蘿風黃埃不入門十月清溪宮
幽閣掩竹牖舒足眠高春隔林羽衣人焚香鳴槁桐
微火縈屑沈綠塵婉空蒙淒絃汎寒飈引聲入雲中
吾不解世曲聊與神明通思借大鯤翼小戲滄海東
微暝已復來客調猶未終

繼盧仝體作星字詩

大明御天一百四十歲周星八風和七曜盈紫微四
小沫不守內屏欲凌昊穹紀上千天皇大帝勾陳宮
狂孛冒越日近五帝內座側挾帝德刑以揮霍列宿

橫行天田中周天萬曜一旦比周為縱衡文昌顛倒
六符屢滅沒泰階不得平左右執法進退歛避與廷
尉不守理刑罰不中天獄滿貫索纍纍死人無名牽
牛不得安服箱織女不得織小東大東杼軸恣空耕
桑一無成東有啓明不啓明龍駕迂迴不知朝既盈
九州分封諸侯越位干天刑姬訾降婁大梁不能司
矩莫西南秋不肅析木大辰壽星不能執規肇東北
春不榮南方三鳥閃爍恒暘不能正炎紀實沈玄枵
星紀不敢寒若使北極寧二十八舍咸錯溷不問所
主皆附阿曼擊以相盪傾郎位十五漫衍不得宰赤

子羽林軍脞堦不執兵狐南老子性耄荒祗將日月
諛人以千歲稱農祥不見八穀亡一星亡不登一穀
八星都抹殺那有一穀登德星散賢不進東壁暗文
不明三心披離隔夫婦恒星不見憂公卿福星不號
鮮于侁客星不名莊子陵柱史斥不得主記注御女
屏不得列好姪蒼龍把截作裳服白虎被翦作干旌
赤雀啾啾作蒯徹玄龜妄獻兆大橫庚庚不顧叛逆
作孽不可活與臣子言依孝忠三能伴北辰墨墨天
中央一星亂天綱天屬盡失常豐隆不為瑞變竄色
貌青為蟲赤為兵荒餘氣鬱結不得申作霧塞京師

竟日玄以黃西畢爲之哭終歲流滂滂坐令平陸爲
湖江浸灌沒溺死天赤子十有三震雷號寒月喀喀
摧棟梁四字視天如平坻謂可反手移凶氣既滿盈
狂謀轉轉大顛癡漸次日月尊亦將不自持四字肆
昧欺遲留伏逆咸違期乃與其類群氛衆沴團結爲
妖祲撒沙游燐潛羅紫官內外遲禍機西邊喚天狗
北畔呼旄頭長柄擎攙搶大旗張蚩尤要以缺三壬
辰之夜反黃道乃當颶回霧塞三精六合翻覆沈淪
休皇天震怒敕六丁清宮入禁窮禽蒐元凶四字肆
鑿礫逆黨瑣碎咸屠劉血肉與積藏堆塚如山丘當
時從逆徒簡別分等儔流彗盡掃除祥景重羅收有
如臨淄王起兵半夜斬韋庶人沴物散落如雪勿復
留再將元氣太和窟搏作靈辰秀曜挂爲天皇旒森
森布列三百六十五度四分之一之內乾文燦爛文剛
柔嗚呼日有食月有食皇天自悔禍萬古明不息柰
何凶殘餘敢行撓皇極穢亂盡蕩滌光華再烜赫當
孛乃不孛至矣仰帝力盡盪滌仰帝力

答孫山人一元寄吟卷歌

秋風落葉露爲霜美人去我天一方只知朔鴈翔南
去寧解魚書可寄將分開尺素雲生手濯濯芙蓉倚

楊柳金丹熒熒伏鼎竈寶劍時時拂河斗仙韶本是
清都樂欲奏人間舞群獸去年送別吳王臺屐齒微
蹤長綠苔相思每望秦川月寄信俄逢越使來越使
能寄書不知書中意何如君能寄詩卷不知我腸車
輪轉李白上天鮑照沒此聲何處君留得霞為衣今
月為澤金光草今換君骨二子雄風不可尋九霄星
露夜沉沉但看一片千年月懸向青天照我心

送徐先輩 中行

吳王城中三月春吳王城外送行人飛花亂撲長江
去條風東來布帆舉將留欲舍心趣多難行難止柰

君何

招鳳辭送彈琴楊三遊金陵

玄桐挂朱絲碧軫黃金徽獨抱登高臺坐石上時一
揮清商不如清角悲鳳來歸鳳來歸高臺紅日麗秋
暉秋暉欲落兮鳳來不來

王右丞山水真蹟歌

生烟漠漠中有樹樹外田家幾家住重巒複塢隨不
斷茅舍時時若菌附兩人並向魚梁涉一鳥遙從翠
微度行雲澹映荒水陂似有斜陽帶微响傍篠白沙
明青林滄沉霧乍明乍晦景萬變想當夏盡秋初處

石墻短緣隈隈水淺縈迴寬平一畝敞層屋板扉犬
卧無人開書堂樹深晝寂寂主人應是王摩詰清晨
騎鹿看田出行過柴泝日向夕會招高適與裴迪共
賦輞川佳事畢圖成興盡詩未筆

任月山九馬圖歌

古人頌馬自魯駟杜詩尤勝伯樂經近代畫馬稱曹
韓後來獨數李龍眠世無神手有神馬眼底誰能分
造化鄒陽示我軸有咫驚絕縱橫電光起定觀始識
任都水馬後金聲出吳李房星九點光殷殷天文地
類相爛熳龍媒無種世亦產何必置牝宛代間于今
不乏十二閑如此又墮文書裏前年禦戎急芻騎何
不引此踏賀蘭嗚呼九駿安得歸龍班一匹可以當
三千吾言亦能道塞淵爾尚伏櫪吾何言

俞漢遠雲山圖

洞庭之南瀟湘西濕雲從龍凝不飛九疑縱橫不可
辨二女望斷重華歸山河茫茫都一暝仙宮隱入層
霄迥水滸渾迷行路蹤雲端忽露青楓頂披圖亦覺
亂心曲嗟爾良工意何局人間晴雨相倚伏祗在君
手一翻覆

曹民部藏何太守山水障歌

蒼烟橫晚江江樹不可辨遠山號國眉近山鬣不變
誰將元氣夜半翻凌亂少陵好東絹幽人絕流一葦
航應恨可人不相見千村萬落路不通恐有閉門忘
世翁孔明漸老安石卧誰為蒼生起卧龍湏臾雲樹
開蒼茫始識九疑分瀟湘良工出自何水部妙思已
落陳思王陳思王今葛謝袖中脩脩有造化蕭齋晏
坐對圖畫時發雲霖潤天下

戴進風雨歸舟圖

黃陵廟下瀟湘浦西風作寒東作雨鷓鴣啼舌到無
聲誰管行人望家苦柳州刺史幸不違長沙太傅音
塵非翠蛾班管在何處萬古重華呼不歸

唐寅畫山水歌

杜陵一疋好東絹韋郎上植松兩榦唐寅今如曹不
興有客乞染淞江綾前山如笑後如怒疎林如風密
如霧黯黯渾疑隔千里琬琬忽辨綠溪路黑雲亘蒼
梧丹霞標出城壯哉畫工力九州通尺屏兩厓遠立
幫兩角一道空江浸寥廓吳綾本自淞水翦誰把淄
澠辨清濁茅齋傍江絕低小羨爾高居長自好今年
吳地幾魚鼈看畫轉覺心熱惱黃金壺中一斗汁我
欲濡豪映手濕莫教童子誤攘翻忽使癡龍携雨出

暮嶺歸樵圖

吳山嶺頭風蕭蕭吳山落暉紅抹腰蜿蜒鳥道自能
認只在山中非市朝燒薪暖酒換魚煮五十行歌氣
如虎朱翁側足金馬門吾儂未舍無媒路

董烈婦行

大壑松不彫高山石不朽覆載無改易世有董烈婦
烈婦王氏名桂芳十七嫁與董家郎董郎卧瘵一年
死烈婦嘔血手斂藏當時信誓對日月誰能上掩日
月光死生契闊志不違老姑無依老母嫠母與烈婦
伯父期他年徐與重結禰爲言汝壻昔儻居壻死居

停主人將奪之汝曷來歸予汝棲與汝伯父相因依
烈婦聞命志益悲未聞太行王屋曾爲愚公移天地
生我死我自有處何有一撮茅土爲總帷啼眠風灑
灑母日護之不少舍後數日母去謂汝送我而後返
吾不汝詐婦勉從母歸稍進一飯喀喀哽塞不能下
長號浪浪淚滿把投匕曰我去母復送之野烟雲慘
澹日一抹宣公橋下水潑潑婦云母乎河水清且淪
漪吾徃從之樂不可遏母聞驚絕色慘怛大呼褰裳
不可脫漸臺水深瀨水闊斷萍芒芒強令活去矣還
復入君門抱君靈主哭愬君君神在木聞不聞肉摧

血裂魂紛紛母去兒解防兒身終自妨兒有十尺麻
為君繫三綱粗粗髮經移在胆玉質高縣几筵右手
持元氣還乾坤青天增高地增厚是時婦年纔十八
英風烈烈塞宇宙嗚呼十五國風一共姜南朝惟見
李侍郎忠節不但臣妾慶為爾君夫何獨幸愷悌君
子洪嘉興二年一日風教行為爾成墳敕埋玉彤管
有繹光熒熒豈徒肇家聲豈徒信鄉俗歌謠長吏澤
愛戴國家福慰存盡封恤樹勸望旌復嗚呼天下多
美人人百其身倘可贖

懷施侍御儒遂贈三首

崇堞倚紫冥丹雘摩空青城中樹稀無鳥聲昨日聞
公入朝列相思一夜腸欲絕古人不可見今人交多
面古人千載只可慕今人可慕難可遇君離越王臺
吳王臺下來執手一徘徊銷盡萬古曾中埃與君交
一日一日日益韻叶交君未渠央我長不可極韻叶
嶺南古松氣森森如君此時之古心蜀山擺梓蟠天
回如君卓犖之奇材文章黼黻溟海深令言徽行貴
兼金 天子策名作進士選衆舉為侍御史巡行塞
徼安遠人諫諍朝廷厲風紀餘力千詩百賦成四散
江山被繡綺丈夫行道志大申勲名祿位極此始

關關雎鳩在河洲妾事君子願到頭紅顏雖薄志貞
固脂澤履綦亦自脩鴛鴦錦囊鳳綺琴蕙筵蘭室奉
徽音金壺玉卮為君斟無將管蒯敗昔心願為南山
之松栢不為鶴鵠之離禽天道人性此最至人倫盡
然同古今

送方行人鳳新擢南道侍御

彤門九重遠萬里四海平康此中起六月七月雜暑
雨街泥纜乾行沮如送君都門東堂堂儀貌清且雄
手持繡斧騎花驄丈夫意氣凌紫虹飛帆南指青冥
度石城微茫繞烟霧明月娟娟淮水樓晴霞冉冉鍾

山樹玄武湖邊攬蒼翠北睇 皇居想安寐何以獻
之緘皁囊一日三發迅鳥翔君能言君理盡君言安
得皆流行一日三發翔鳥迅酌君玉壺之美酒贈以
錦橐之瓊琴清塵弱水自此隔天涯日望瑤華音

北崖行

君不見吳江汝君子性如山善如水胸蟠萬卷 帝
未知坦腹高眠故園裏明珠無淵不可含白玉須蘊
嶸嶮間翦瓊截壁為小山植朶芙蓉浸潺湲花木被
臯隰鳥鳴相關關汝君子居盤桓澄懷共高閒攬蒼
蒼兮瞻巖巖恍然卧遊穹巖邃谷一日數十獨往還

蓬萊近東隔弱波衡廬南見空嵯峨人間大山西北
多太行恒華不得並列將如何我山不在大俗駕不
得過題名曰北崖高揖祝公爲我歌我歌北崖兮氣
勢上與浮雲齊光景凌亂干虹蜺撐星挂月拂紫微
崆峒倚天劔崑崙昇仙梯女媧遺子今日補天闕或
作筆柱寫帝黼黻揚鴻輝斧鉞姦宄亂賊定君臣
是非禮樂制作風雅發揮汝君子北崖爲子悅性情
成功名請歌北崖行金石千年標頌聲

獨當竒處行題何大叅子元藏沈隱君畫柳

州江山圖

祝融峯高插南極東南柳江流不息桓圭削綠浸瑤
池天下江山竒復竒昌黎序送廖道士地文爭竒無
比擬咄嗟道士不可當豈知今有何夫子何夫子謫
仙人海外紫鸞驚天邊石麒麟才如寶劔百亂截文
似萬花天下春昔辭瑤京下九國仙姿蕭颯難容得
置之江山最竒間明珠辭輝玉避色沈君頗似能寫
真陳子善題濡筆墨何夫子歸去來江山之竒亦小
哉君有大道縣襟懷我欲從之問消息柳江東去何
時迴東瀛弱水倘可渡與君握手登蓬萊

訟風

臣將衆心箋天公一月不改東北風酸澌射人痛兩
瞳零亂百物紛蓬蓬炊烟作難幸出凶涕淚滿面嘻
何從葦窓楮帳羞無功禽鳥素少并絕蹤鯤溟竭石
海氣通寧或鼓颺由癡龍六月七月如初冬風伯風
伯聽吾訟顛倒伏臘何強雄祇恐老天不君容

月泉篇

道人號月泉邀作月泉篇道院常有月道院本無泉
石壇空歌罷斜倚長松眠竽籟盡沉寂雲烟紛綿聯
上有黃玉頂下有碧瑤淵心賞極神暢不測何名天
恍然欠伸雙瞳開手握碧蘿脚躡紫苔猶是朝元之

宇步虛之臺人間少女境况此百肆萬火中安有廣
寒與蓬萊吾聞太湖之傍洞天之幽千山繞繚相羅
周其間飛珠噴玉貫穿漱滌多異流夜夜玉鏡飛上
千山頭來印萬壑金波泥漾寒光浮姮娥下浴魑魅
避眼波瑩照大九州授仙老以玉訣與三光而俱留
道人已自夢中受得金鎖流珠之洞文吞黃月而飲
上池舞貝闕而遨蓬丘世間月泉空悠悠軒轅之孫
爾同儔胸有日月袖有海能爲道人作此謳向來院
宇多垢濁勿將靈詮語蟬

玉泉詠

滴滴瀝瀝瑤珮鳴縹緲銀河清權公妙句我斟
酌醍醐稍重瑠璃輕八功德水發源處分來南部深
公許六指道人隔墻住牀頭共聽無舌語

將歸行

丁丑九月還興寧廿七夜渡頭舟中
作時慈親在吳室人在廣兒在燕

老龍渡頭秋欲歸炎州霜輕葉不飛江東遊客未授
衣擁衾支枕歌式微自余之來日三北燕吳萬里稀
消息自蘇越惠六千里京師九千里高堂夢轉眼冥冥山圍蜚船天
潑墨南溟有龍不可屠北山有虎不可誅鴛鴦相望
懷慈烏况又嶺南多鷓鴣

短長行

昨日之日短今日之日長昨日雖短霽而暄今日雖
永陰復涼胡不雨雪為歲祥胡不稍暖開初陽徒為
蔽天氣曠日黤黤人物慘慄無精光物情望有常造
化誠巨量氣候淑美少君子道難昌陰晴長短不可
問古來萬事都茫茫獨憐窮海客卧者鬼繞江南烟
水航

月烏篇

吾鄉沈郎字仲寬為我遙索月烏篇月烏喻孝與客
旅二者未知心所安孝為百行大且初烏中曾參人
不如吾聞沈郎孝且才即此乃是曾之徒寒光滿林

莫返哺啞啞叫斷腸欲枯我今南飛依棘枝爲子仰
天強哦詩烏啼月落粵山低一夜魂遊吳苑西

贈盛翰林

端明字希道

卞和能識玉荆山得良寶知玉不知人屢削自殘槁
孟嘗有內珍何意貨賄間靈物不能舍神珠自來還
盛公抱天瑞手把山龍章倦與時人觀放之瀛壺傍
朝披金光草夕懸明月璫適從具茨來獨宿白玉房
凡夫亦知寶未得先生儻肯示以求之方

鳳凰篇

寄盛王
二太史

翩翩雙鳳凰飛集南海傍衆鳥往從之不棄老禿鶻
鳳凰自飛來只在海傍宿人爲天下祥我爲天下哭
鳳鳴四海清老鶻亦解啾啾聲老鶻無鳳姿籠中拘
辱不得爭鳳凰顧老鶻相慰勿自傷老鶻荅鳳凰鳳
兮知老鶻老鶻只在草莽伏物遇其類心凱康但令
鳳凰聯翩上阿閣老鶻百歲沒向江湖亦足樂

王提醴畫古松歌

人言松有節不見節如松問渠老葉終年翠何似妖
花三日紅人言松節勁不知松氣融元和暢生意華
茂春葱葱和流則不强苦節亦道窮王夫子和氣滿
胸中守道百鍊之青銅畫史頗善喻爲君寫古松予

亦為君歌古松古松歌君奈何

樂孺歌

吾鄉奚氏昆弟汝霑汝承篤于友恭天倫攸厚予題其堂曰樂孺取詩兄

弟既具和樂且孺之云也復為作歌

渚鴻不侶鷺聯翩入紫雲有時下同宿終然不離群
磊落千金馬貢作萬乘車雙雙翼飛龍齊秣亦齊驅
馳翔有美世共珍列之天閑織其文叶以章有德勸
百臣蒼鷹雖鷲材狼猛安得稱重於其倫閭門今古
道繁華歌鍾日夕沸如麻東鄰宴公子西舍酣倡娃
誰人堂上題樂孺中有二士為奚家先人應能積為
善天錫一雙白璧皆無瑕伯兮友仲兮悌棠華韡韡

風光媚架有互服衣榻有共覆被入室諧蘭香出門
偕遠志仗劍作長遊千里萬里亦同次番禺城下我
逢之三人相携共一醉醉中尚能為爾歌歌此敬多
感亦多吳中土風清且嘉今如君者有幾何君家伯
祖我祖高弟子文名風節猶差我乃知仁人有後世
濟美看爾富壽方來百福如山河

孟玉礪畫瓜

漂陽夜燕來仲虛

狄冲

示我玉礪畫瓜圖媯綿生意

好手筆燈前摸索聊為娛爾日南至氣轉紆我心之
喜君知無黃臺離離幾抱蔓野田倘有青門夫焉知

大隄方包杞含章墮天天下理天地相逢與子起品
物咸章自此始

題徵明寫贈潘崇禮灌木寒泉大幅

具區之水被三州洞庭之樹千萬數沉森浩漭天下
竒灌木寒流此何許潘君抱朴山水人日日策杖獨
行徧滄浪之濱陽崖衆目悅暄媚忽逢陰壑如有
神禹鎖老龍鐵索絕擎雲怒雨出洞穴木號水呼竹
石裂衆蛇從之互盤結脫骨成削雜鱗鬣颺留風葉
枸株糜急流枰撞石罅躍珠跳汞走鬪灑潏微茫上
析河漢注奔赴繞伯若方丈脚山鬼伏窺木客泣欲

據恐被山伯扶仙老時下懣濯足而晞髮招潘君兮
子來共千歲以一息潘君歸語衡山氏仙之人兮不
可以久留吾恐一往與境俱失宣州兔肩毛勁如石
深醮金壺玄玉液閉門夜半役鬼工倏忽移來宵無
迹支山謂潘君張君高堂白粉壁焚香日坐對明月
之夜風雨夕仙伯謂我當來覓携君卷圖願寫照障
入懷袖與君騎龍返無極餘影終非世中物謝絕賓
客扃此室門外有人勿與識

卧病懷勉之

郊原行中春風顛閉門縮脚七日眠惟懷落落五岳

客仰頭抱膝作何物堯舜殂落文王沒仲尼寂寞書
在壁山川結陰草木僵馳今騁古皆未得携君璠璣
之樂來黃金香爐紫玉杯燒沉蕪蕙降古傑共聽君
手奔風雷頽然一醉萬事開

又

東園梅花白雪深大隄楊柳漸垂金欲往攀之烟霧
陰美人觀道坐空林洪厓舉觴江妃斟素女鼓瑟容
成吟我獨棲遲卧蘿屋詠君寶篇千萬足

閩門歌送郭令

雞鳴角烏烏閩門將啓塗船頭卒徒擁屋底翁媪呼

呼將兒孫起來送郭大夫大夫強汝柔大夫明汝愚
大夫飽汝飢大夫康汝痛教汝興禮節教汝誦詩書
大夫舍汝去汝能不思乎君子悅其文細人念其劬
說向君子道能歌歌大夫閩門開百姓懷雲帆指金
臺 天王御寓萬國來萬國來仰 帝力王道蕩蕩
平康正直 天子豈不思思哉建皇極皇極建若三
五大夫忠良伍志豈在朝暮清風穆如去者慰存者
懷穆如清風懷其存慰其去穆如吉甫以永今古

首夏山中行吟

梅子青梅子黃菜肥麥熟養蠶忙山僧過嶺看茶老

村女當爐煮酒香

夢與表弟王制彛卿表甥陳鰲子魚散步河
曲鰲邀飲其室覺而賦之寫似二子

三人連袂闖闔行二少年弟一老兄

一為舅甥姑逐
便言之要是稔

語

莫言蒹葭倚高樹芳菲潤映蒼枝榮魚也有酒旨

且多彛也起舞我也歌渭陽棠杖聲相和明日可如

今日何

祝氏集畧卷第五

